

# Walitti Makama Viisaa Waajira Irraa Dhiyaatu Quubsuma Baqatootaaf Kanaadaan Kenu



OROMO

BVOR BVOR BVOR BVOR BVOR BVOR

## Qajeelfama

Kanaadaatti quubsuma argachuuf iyyanaan kee dhageetti dura qondaalota Kanaadaatiin laallameera. Amma booda maaltu dhalata jecuun ni mala, barruun asii gadii kuni haala itti aanu caalatti sii ibsa.



## **Quubsumaaf waan beekuu qabdu**

Baqattummaan kee fudhatama argachuuf (gaafi fi i deebii kee dabalate) adeemsa quubsumaa keessatti barbaachisaadha, garuu isa dhumaatii miti.

Yoo isa kana jalatti quubsumaaf filatamte (*resettlement under the Blended Visa Office-Referred (VOR) Program*), Kanaadaa deemuu gara ji'a jahaa fudhachuu danda'a.

Itti aanee akka asii gadii kana ta'a.

### **Adeemsa iyyannoo**

- Iyyannoonaan kee otuu hin fudhatamin dura, sii fi worri kee mana fayyaa irraa ragaa argachuu. Akkasuma nagayaf jecha asiin dura yakkama irraa qulqulluu ta'uun biyya Kanaadaaf rakkoo nageenyaatiif wabii ta'a. Qondaaloni Kanaadaa erga kanneen laalanii booda Kanaadaa dhufta.
- Kana booda raga fayyaa akka dhiyesitu haga gaafatamtuu baatii hedduu fudhata.
- Itti gaafatamtoonni Viisaa Kanaadaa iyyanna laaluudhaan fayyaa qaamaa, rakkoo-nagayaa fi yakkama irraa qulqulluu ta'u kee erga hubatanii booda murtee kennu.
- Fayyaa qaamaa, qorannaa nagayaa fi yakkama yoo darbuu dhabde quubsuma Kanaadaa hin argattu.
- Yoo quubsumaaf fudhatamte, mootummaan Kanaadaa Waldaa Adunyalessa Baqataa, [International Organization for Migration (IOM)] fi dhaaba biraan kan mootummaan Kanaadaa mindaan bakka buuse hubachiisiisee adeemsa keetif karaa sii saa (banu).
- Waldaan Adunyalessa Baqataa (IOM) akkasuma woldaaleen bira qophii adeemsa gara Kanaadaa gootu irratti si gargaaru.
- Biyya tokko-tokkotti adeemsa dura Baruumsa Kanaadaa Biyyaa Alatiif [ Canadian Orientation Abroad (COA) ] kan jedhutti si afeeru. Baruumsi kunis gargaarsa Lammummaa fi Baqatoota Kanaadaatiin ta'a, hujji irra ooluun isaallee Waldaalee Adunyalessa Baqatootaan (IOM) toohatama. Barnoonni walgahii kanas baasi maallaqaatiin ala kan ta'e. Walgahii kana irratti waa'ee Kanaadaa fi erga geette booda quubsumaaf barnootaa akkasuma tajaajila quubsumatu sii kennama.

### **Gara Kanaadaa deemuu**

- Waldaan Adunyalessa Baqataa (IOM) yookaan dhaabbileen bira guyyaa adeemsa gara Kanaadaa sii himu. Adeemsa tikeeta xiyaaraas sii qopheessu, bakka dirree xiyaaraa si geessu, bakka sanitis si seensisu, akkasuma tin'isa bira akkuma barbaachisetti sii kennu.



- Eyyema adeemsaa (*Passport*) yookaan raga adeemsaa alaa yoo hin qabaatin, mootummaan Kanaadaa raga adeemsaa (*travel document*) akka biyya Kanaadaa deemtu siif kenna.
- Baasiin adeemsa xiyaaraa fi qormata fayyaa mootummaa Kanaadaatiin akka liqiitti (*loan*) sii kennamee ufirraa kaffalta.
- Kuni liqidha, kana jechuun guututti mootummaaf deebi'yu (kafalamuu) qaba jechuudha. Akkuma Kanaadaa geetten guyyaa 30 keessatti horii tikeetaa fi qormata fayyaaf baye kana bakkatti deebisuu (kaffaluu) jalqabuu qabda. Kaffaltiin isaallee gar-gar fageeffamee kaffalamuu ni danda'ama, innis waggaa tokko irraa haga wogaa jahaatti horiin guututti kaffalamee dhumachuu qaba, kanas kan murteessu liqiin hagam akka ta'e erga beekkameedha.
- Biyya Kanaadaatti uffi fi worra kee gargaaruuf hojjaa barbaadachuu fi hojjachuu hiree qabda.
- Qormata hunda erga dabartee fi ragaalee xumuramee qophay, Waldaan Adunyalessa Baqataa (IOM) fi Waldaaleen dhaabbilee biraa gara dirree xiyyaaraa si fidu, si seensisuu fi garagaarsa hoggannooni dirree xiyaaraatti sitti dhiyeessu ykn. dhimma bulchiinsa baqtummaa (*immigration*) laalchisu siif tolchu.

## Karoora Viisaa waajira irraa dhiyaateen Kanaadaa seenuu.

Karoora viisaa waajira irraa dhiyaate jalatti mootummaan Kanaadaa akkuma dhufteen (geetten) tin'isa maallaqaa siif godha. Dabalees mootuman baasii tajaajila Fayyaa (yaali) akkuma geetteen sii kenna.



Namoota akka jiruu biyya kanaatti wal-fudhattu si gargaaruuf waadaa seenaniin wal-qunnamta.

Isaanis namoota ykn. hawaasa dhufaatii keetiif gaafatama fudhatan ta'an jechuudha.

Gargaarsa yaaddoo fi hawaasummaa waggaa tokko guutuu si bira dhaabbatu.

Akkuma gargaarsi mootummaa Kanaadaa ji'a jahatti dhumateen, namoonni dhufaatii keetti dirqama ni fudhanna jedhan baatii jahaaf gargaarsa siif kennuu.

- Yeroo Kanaadaa geette, namoonni dhufaatii keetti gaafatama (sponsor) ta'an, dirree xiyyaaratti erga si eeganii booda quubsuma sii kenu (akka quubsuma argattu si gargaaru).
- Namoonni dhufaatii keetti gaafatama (sponsor) ta'an bakka jiraattu kan akka mana bultii (apaartama), ykn. hoteela siif mijeessu.



- Kunis haala isaan sii qophesaniin murttaawa, kuni eddo yeroof jiraattu ta'uu danda'a ykn. yeroo dheeraaf keessa jiraattu ta'uu ni mala ta'a.
- Nyaataa fi uffanni sii kennama.
- Gaafii jireenna Kanaadaa laalchisee ati qabdu sii deebisu, si gargaaru, akkasuma :
  - Nama afaan hiiku sii akeekuu.
  - Haakimaa fi ogeessa ilkaanii akka filattu si gargaaru.
  - Tajaajila fayyaa akka argattu iyyannoo galfachutti si gargaaru.
  - Ijoollee mana barnootaatti galmeessuu fi namni guddaan akka leenjii afaanii fudhatu godhuun si gargaaru.
  - Namoota fedhii wal fakkaatu wajjiin akka wal barattu si gargaaru.
  - Akka baankii itti fayyadaman, geejibaa fi kan kana fakkaatan iratti si gargaaru.
  - Hujii barbaaddachuu irratti karaa sii akeeku.

Mootummaan Kanaadaa yeroo jalqabaatiif akka jiruu kee woyyeefatuuf si gargaara, waan siraan eeggamu dhugeeffachuu qabda. Isa kaneen akka sii mijjatu godhuuf Kanaadatti ciminnaan hojjachuu qabda. Jireenyi kee kan uf duraa tattaafii ati gootuun murttaawa.

## Quubsuma warraa kee wajjiin

Yeroo fudhtamaaf hujileen hojjatamaa turan, qondaaloni Kanaadaa akka abbaa waraa ykn haadha waraa akkasuma ijoollee isin jala jiraatan akka korboo tokko irratti guutaman isin wajjiin Kanaadaa dhufan hubachiisuu hin oolan. Yoo akii wanni jijjiirame jiraate(kan akka fuudhaa fi wal –hiikkaa), yookaan yoo ijoollee argattan ta'e bakka bu'ota baqataa, UN (UNHCR) tii fi hogganoota Kanaadaatti gabaasuun, akka maatiin keessanis galmee iyyannootti eda'aman taasisa.



Akka warraatti quubsumaa yoo barbaadde warraa kee cufa akka galmaayan godhuun barbaachisaadha isa kanas qondaalota Kanaadaa fi UNHCR hubachiisuu qabda. Warraa kee cufa (ijoollee kee, obboleewan, obboleetti, abbaa fi haadha, abbaa fi haadha warraa) kan isin wajjiin jiraattuu fi bakka biro jiraatus dabalatee galmaayuu qaban.

Warra kee kan quubsumaa Kanaadaa ammaaf hin feenes yoo ta'anis galmee kee keessatti guuttamuun qaban.

Galmee kee irratti kanneen hin guuttamin yoo jiraate uf duraaf Kanaadaa dhufuu hin danda'an.

Quubsumni karoora viisaa waajira irraa dhiyaatu jalatti ta'u hawaasa keessa jirachuuun (turuun) bu'aa qaba, innis qaamota gaafatama fudhatanii (sponsor) ta'an biratti gargaarsa barbaachise argachuu waan danda'aniif gaariidha.



## Haala baqattumaa kee

Yeroo Kanaadaa seentu (geettu), akka asi jiraattu fi jiraattaa biyyaa dhaabbataa taatetti ragaan (dokumentiin) sii kennama. Kana jechuun. Kanaadaa taa'uun kee seerawaa ta'e jechuudha. Hujii hojjachuu yookaan mana barnnootaa deemuu ni dandeetta.



Lamummaa Kanaadaa ta'uuf dura haala murtaa'aa ta'etu jira, innis hagam Kanaadaa jiraattee fi turuu keeti. Yeroo gaafilee (sirnnoota) barbaadamu kanneen cufa guutte, lamummaa Kanaadaa ta'uuf iyyannaal galffachuu ni dandeetta (dandeessa).

## Kanaadaa bakka jiraattu

Biyyi Kanaadaa bal'innaan adunyaa irratti lammaffaa taatee magaalota gurguddoo fi gandoota baayee qabdi akkasuma bakka namni hin jiraanes guddinaan argaman. Magaalonni baayyeen kibba Kanaadaatti argaman. Bakkeen hedduun waliraa fagoodha, dhaquunis yeroo baayyeen fudhata, yoo xiyyaraan ta'es ni fagaata. Fakkeenyaaaf, magaalaa Toronto irraa Vankuuer (Vancouver) fageenyi isaa 4,300 km. ta'a yeroon xiyyaraan fudhatus sa'aa afurii ol ni ta'a.



Bakki quubsuma keetii eddoq qama ykn. nama gaafatama fudhatee (*sponsor*) sii ta'eetti ta'a.

Kanaadaa keessa bakka barbadde jiraachuu ni dandeetta, garuu hawwiin keenya otuu bakkuma tokko woggaaf turtee gaariidha. Kunis akka bu'aalee namoota si waaman ykn *sponsor* si godhan irraa argattuu fi tajaajila sii saganteeffame dhimma itti baatu si gargaara.

Dhuunffatti namoonni *sponsor* si godhan si gargaaruuf qophiidha, akka hawaasa keessa jiraatuu fi hojjattee uf dandeettu ni barbaadu. Haa ta'u Kanaadaa keessa bakka barbaadde demuu ni dandeetta, garuu qaamni dhuunffatti si fide (*sponsor*) ta'an woggaa tokkoof hawaasa isaanii keessatti si gargaaruuf dirqama qaban. Yoo deemuuf murteeffate, gargaarsa sii kennuuf waada galan san sirraa dhaabuu ni danda'u.

## Gargaarsa Kanaadaa

Bakka jiraatutti hawaasaa fi waldaya kan dhiiraa, dubartoota fi ijoollee keessatti hirmaatuun ni danda'ama. Ispoortii kan akka kubbaa miilaa fi bishaan daakkaa irraa qooda fudhachuun akkasuma yeroo dabarfannaa adda-addaa warra wajjiin dabarffachuun ni danda'ama.



Tokko isaaallee kaffalaltti (baasii) hin qabu, gariin isaa kaffaltii (baasii) qabaatu.

Yeroo bakka jiraatutti walgahiin jiraate ta'e, irraa hirmaachuu yaalii godhi. Kunis akka namootaa fi hawaasaan walbaratu si gargaara akkasuma tajaajila naannoo sanitti kennamu barachuuf si gargaara.

Namoota hawaasa kee ta'an yoo argatte caalatti akka jiruu kanaadaatti maxaqxu sii gargaara, garuu gargaarsa biraatis argachuuf carraa godhuu hin dhiisin.

## Ummata Kanaadaa

Kanaadatti dhiiraa fi dubartiin walqixa. Lamaanu migaa qixa qabu, kabajjaallee wal-qixa qaban.

Dhiiraa fi dubartiin sadrkaa kam irraa haa ta'u, aadaa, sanyii fi amantaan walitti dhiyaachuun qixa laallaman.

Kanadatti yaada kee bilisa taatee himachuu ni dandeetta, garuu akkasuma yaada mamoota biraatis kabajjuu qabda.

Gragaarsaa firoottani fi warra irraa argachaa turte asitti argachuun dhabuun kophaa akka taatu si gochuun ni mala. Haa ta'uu garuu si duwwaa miti. Yoo yaaddoon sitti dhalate, nama qunnamuu yaalii godhi. Nama hawaasa kee keessa jiru dubbisuuy yaalii godhi. Kanaadatti akka maxaqxu ykn. Walbartu namoonni si gargaaru ni jiru.



## Warra kee fidachuu (Sponsor) gochuu

Erga Kanaadaa dhuftee booda, warra kee Kanaadaa akka dhufan gochuu ni dandeetta.

Garuu, kan hubatuu qabdu, yaaliin kuni yeroo baayyee fixuu ni mala, yeroo dheeraaf warra kee arguu hin dandeettu ta'a. Warra kan jedhaman abbaa fi haadha, akaakayyuu fi akkoo, abbaa-worraa fi haadha-warraa akkasuma ijoollee irkataan jiraatan ta'uu danda'u. Warri kee kan akka Kanaadaa dhufan barbaaddu galmeeyyano kee irratti guuttamuunisaanii mirkanoeffachuu qabda. Obboleewwan, obboleettiwwan, adaadaa, eesuma, ijoollee -eessumanii fi adaadotaa, ijoollee ka'imman booda waamuu hin danda'amu.

Warri kee Kanaadaa keessa eessa akka jirtu sirritti beekuu qabu. Teessoo kee, magaalaa jiraattu fi kutaa jiraattu cufa beekuu qabu.



## Hujii (dalagaa) barbaadachuu

Gargaarsa horii Kanaadaa irraa wogaa tokkoof argatus, hojjaa barbaadattee ufii fi warraa kee akka gargaartu hawwii keenya. Afaan Inglizii yookaan Fraansaayii dubbachuun hojjaa argachuuf siif laaffata.

Kan hubatuu qabdu, digrii universitii, diplomaak koleejjii, yookaan ragaa barnoota daldalaqaa qabaachuu Kanaadaatti fudhatama argagachuu dhabuun ni mala. Digrii/ barnoonni ragaa yookaan xalayaan muudamaa kan qabdu fudhatama isaa kan murteessu bulchiinsa kutaa ta'a.



Warra kee kan biyya jiraataniif gargaarsa maallaqaa gochuu ni barbaadda ta'a. Isa kana gochuu ni dedeetta, garuu baqatootni hedduun uf gargaaruuf ni ulfaata ta'a, akkasumattuu warra isaanii kan biyya jiraniif gargaarsa maallaqaa ni godhu. Wanni hubachuu qabdu, biyyaa fi jireenna Kanaadaatiin uf barsiisuun (wal-fudhachiisuun) yeroo fudhata.

## Baasii

Yeroo Kanaadaa geettu, baatii jahaaf mootummaa irraa gargaarsa maallaqaa ni argatta, achi booda ammoo baatii jahaaf qaamota sponsor sii ta'antu si gargaara jechu.

Kanaafuu, gargaarsi qaama dhuunffatti sponsor ta'an irraa yoo gargaarsi dhimate uf danda'u qabda, baasii akka nyaataa, kiraan manaa, elektrikaa, bishaan, uffataa fi gibiraa uf dandeetee baasuun dirqama kee ta'a jechuudha. Wanti baratamuu qabu horii baajetaan dhimma itti bahu.

## Mana baruumsaa

Barnoota mana baruumsaa ijoollee, sadrakaa 1ffa (elementarii) fi barnnoonni sadarkaa 2ffa kaffaltii hin qabu. Ijoolleen cufti kan wagga 6 irraa haga wagga 16 mana barnootaa deemuu qabu. Kuni seera biyyati. Baratootni hedduun isaanii barnoota sadarkaa 2ffa irraa diplomaan eebbfamu (gara umrii 18). Ergaa barnoota sadarkaa 2ffa xumuranii booda, gariin isaanii universitii yookaan koleejjii deemu, yoo kan kaffaltii sibarbarchisa ta'i.

Kanafua kolleejjii fi universitii seenuuuf baasii mallaqaa fedha.



## Fayyaa ilkaanii

Mootummaan fayyaa kan akka doktoraan laallamuu fi balaa ariffachiisaa ilkeef wogaa duraatiif Kanaadaa waan jirateef gargaarsi siif kennama, baasii ilkaanii kanaa ala hin laallatu, yeroo hedduu baasiin akkanaa kanuma abbaa sanii ta'a.



## Nyaataa fi bishaan

Bishaan Kanaadaa dhugaatiif kan amansiisu. Manni cufti bishaan oo'aa fi qabnaawaa qaba.

Bishaan guyyaa fi halkan ni argatta. Wanni ati gooto bishaan yoo barbaadde banuu yoo fixatte ammoo cufuu calla.

Kanaadaa heddu kan ta'an aadaa ummta garaa-garaatu keessa jiraata. Nyaata graa-garaa argachuu ni dandeetta, kan akka ruuzaa, daabboo, kuduraa fi fuduraa, qimama (mi'eeditu), misira fi foon lukkuu mana sorootaa si biratti ni argamu. Kanaadaan mana kuusa (store) hedduu qabdi, waan adda –addaa fakkeenyaaf foon re'ee, kan bakka hedduutti hin argamne. Nyaanni halaal (foon booyee hin ta'in) ni argama.



## Amantii

Biyya Kanaadaatti amantii heddutu jira. Amantaa kee bilisa taatee hordofta. Seerri Kanaadaa namoota amantaa biraat hordofan akka kabajituuf gaafata. Amantaa kee akka jijiirattu ennus si dirqisiisuu hin danda'u. Amantaan bilisa ta'uun Kanaadaaf mirga duraati.



## Qilleensa

Hedduun biyya Kanaadaa qileensa afur qaba : Arfaasaa, Bona, Birraa fi Ganna. Kanaadaan biyya bal'oo waan ta'eef qilleensi biyya irraa –biyyatti jijiirama. Arfaasaan, (Bitoteesa, Ebla fi Caamsa) baatiin kunniiin naannoolee Kanaadaa hedduutti yeroo roobaati, qileensi yeroo kanaa qabbanaawaadha. Yeroo Bonaa (Waxabajii, Adoolessa, fi Hagaya) yeroo kana heddun biyyaa ni oo'a. Guyyaa oo'i isaa 20°C ol ta'a, yeroo garii ammaao 30 °C ol ni ta'a.

Yeroo Birraa, (Fulbaana, Onkololeessa, fi Sadaasa) qilleensi ni qabbanaawa, roobnis ni baayyata. Yeroo gannaa, (Muddee, Amajii fi Gurraandhala) qilleensi bakka hedduutti 0 °C gadi fi -30 °C ta'a, guyyaa fi halkan guddisee qorra. Waan guddisee qorruuf sirritti uffachuu qabddu.





## Gorsa xumuraa

Jirreenna haarya Kanaadatti jalqabuun namoota gariif gammachuu yoo ta'u kan biraatii ammoo jiruu jabduu ta'a. Isa kanaan wal simachuuf yeroo fudhata. Namonni haaraya dhufan kanuma akka keetiitii biyya wajjiin uf jijjiiranii ummata Kanaadaatti dabalamanii maxaqoo ta'aniiru.

Afaan Ingliziffaa fi Fransaayii dubbachuun tajaajila argachuuf si gargaara, hojaa barbaadachuu, walii-gala jiruu fi jireenna Kanaadaatti uf fudhachiisuu si gargaara. Yoo akii hiree argattee afaan lamaan keessaan tokko baratte, itti dabaltee baldhisuun baayyee si gargaara. Erga as geetee booda, hiree qabdutti fayyadamtee afaan, dubbachuu, dubbisu si katabuuf beekkoomsa kee akka baldhiftu si gargaara.

Namoota si naannoo jiranis gaafii gaafadhu.

Kan yaadachuu qabdu, gargaarsa namaatii fi tajaajili akka jiru hubadhu.

Kan irra deebi'amme laallame Ebla 2014

